

Iván Rodríguez Jiménez, secretario do Xurado Provincial de clasificación de montes veciñais en man común de Ourense

CERTIFICO:

Que na sesión do **2 de setembro de 2020** o Xurado adoptou, entre outros, o seguinte acordo:

IV.- Respecto ao expediente de clasificación como veciñal en man común do monte denominado “Ampliación do Monte Chan da Ponte” a favor da CMVMC de Desteriz, no Concello de Padrenda, acudiron á reunión José Rodríguez Sousa e Carlos Rodríguez Gómez.

José Rodríguez Sousa, na súa calidade de presidente da CMVMC de Desteriz, presentou escrito de alegacións en relación co acordo de inicio de clasificación. Do estudo das mesmas, o Xurado considera que houbo dous erros no acordo de inicio publicado no DOG do 7 de abril de 2020: respecto dos lindeiros, polo este e sur habería que substituír a parcela 45 pola 41, e polo oeste habería que engadir a parcela 9001 (estrada OU-410).

O interesado tamén pretende modificar os lindeiros dunha superficie xa clasificada a favor da CMVMC de Desteriz no ano 2008. A súa proposta consiste en denominar os lindeiros por polígono e parcela, e non polos nomes dos propietarios, pero para elo deberá realizar un deslindamento de acordo co artigo 54 da Lei 7/2012, de 28 de xuño, de montes de Galicia.





RESOLUCIÓN DO XURADO PROVINCIAL DE MONTES VECIÑAIS EN MAN COMÚN DE OURENSE POLA QUE SE CLASIFICA O MONTE DENOMINADO “AMPLIACIÓN DO MONTE CHAN DA PONTE”, NO CONCELLO DE PADRENDA.

En cumprimento do disposto no artigo 28 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, de 4 de setembro, e de conformidade co disposto no art. 45 da Lei 39/2015, de 1 de outubro, do Procedemento Administrativo Común das Administracións Públicas, faise público que o Xurado Provincial de Clasificación de Montes Veciñais en Man Común de Ourense, en sesión que tivo lugar con data 2 de setembro de 2020, adoptou a seguinte resolución:

Examinado o expediente de clasificación como veciñal en man común do monte denominado *Ampliación do monte Chan da Ponte, a favor dos veciños da parroquia de Desteriz (San Miguel), no concello de Padrenda (Ourense)*, resultan os seguintes feitos:

Primeiro.- Con data 23 de novembro de 2015, tivo entrada no rexistro da Xefatura Territorial da Consellería de Medio Rural escrito dirixido ao Xurado Provincial de Clasificación de Montes Veciñais en Man Común de José Rodríguez Sousa, no que solicitaba a clasificación como veciñal en man común de varias parcelas denominadas *Ampliación do monte Chan da Ponte*.

Segundo.- Con data 6 de novembro de 2019, o xurado provincial acorda iniciar o expediente de clasificación como veciñal en man común do referido monte, designando instrutor e realizando as comunicacións e publicacións ás que fan referencia os artigos 20, 21 e 23 do regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, abrindo un período de un mes para a práctica de alegacións.

Terceiro.- José Rodríguez Sousa, na súa calidade de presidente da CMVMC de Desteriz, presentou escrito de alegacións en relación coa acordo de inicio de clasificación. O interesado afirma que o monte Chan da Ponte comprende as parcelas 123, 124 e 130, e pretende modificar os lindeiros.



Do estudo das mesmas, o Xurado considera que houbo dous erros no acordo de inicio publicado no DOG do 7 de abril de 2020: respecto dos lindeiros, polo este e sur habería que substituír a parcela 45 pola 41, e polo oeste habería que engadir a parcela 9001 (estrada OU-410).

O interesado tamén pretende modificar os lindeiros dunha superficie xa clasificada a favor da CMVMC de Desteriz no ano 2008. A súa proposta consiste en denominar os lindeiros por polígono e parcela, e non polos nomes dos propietarios, pero para elo deberá realizar un deslindamento de acordo co artigo 54 da Lei 7/2012, de 28 de xuño, de montes de Galicia.

Cuarto.- O monte obxecto de clasificación, de acordo coa documentación obrante no expediente, descríbese así:

Nome do monte: Ampliación do monte Chan da Ponte.

Superficie: 0,41 ha.

Pertenza: CMVMC da parroquia de Desteriz.

Parroquia: Desteriz (San Miguel).

Concello: Padrenda.

Descrición dos terreos que constitúen o monte:

Parcelas obxecto de clasificación	Parcelas estremeiras	
Referencia catastral	Lindeiro	Referencia catastral
32057A034001300000-QH (parte da parcela)	Norte	32057A034001300000QH (resto da parcela)
	Leste	32057A034090010000QG (estrada OU-410)
	Sur	32057A034001310000QW
	Oeste	32057A034090080000QO (río Troncoso ou Barxas)

Fundamentos de dereito:

Primeiro.- O Xurado Provincial de Clasificación de Montes Veciñais en Man Común é o órgano competente para coñecer os expedientes de clasificación dos montes que teñan tal carácter, de acordo co establecido no artigo 9 da Lei 13/1989, do 10 de outubro, de montes veciñais en man común.

Segundo.- De conformidade co disposto no artigo 1 da devandita Lei “son montes veciñais en man común... os que, con independencia da súa orixe, as súas posibilidades produtivas, o





seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e se veñan aproveitando consuetudinariamente en réxime de comunidade sen asignación de cotas polos membros daquelas na súa condición de veciños”.

Terceiro.- É reiterada doutrina da sala contencioso-administrativo do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e outra, a atribución da titularidade dese aproveitamento ós veciños integrantes dun grupo social determinado, independentemente da súa cualificación ou non como entidade administrativa, correspondendo constatar o aproveitamento e atribuír a titularidade a favor do grupo social que o veña gozando ao Xurado Provincial de Clasificación.

Cuarto.- O carácter de monte veciñal en man común tense acreditado mediante as testemuñas dos veciños solicitantes, as actuacións realizadas polo servizo de Montes, e a documentación que consta no expediente.

En consecuencia co que antecede, examinada a Lei 13/1989, do 10 de outubro, de montes veciñais en man común, o seu regulamento, aprobado polo Decreto 260/1992, do 4 de setembro, o Decreto 149/2018 de 5 de decembro, polo que se establece a estrutura orgánica da consellería do Medio Rural e demais normativa legal e regulamentaria, o xurado provincial por unanimidade dos seus membros,

Resolve:

Clasificar como monte veciñal en man común o monte denominado *Ampliación do monte Chan da Ponte, a favor dos veciños da parroquia de Desteriz (San Miguel), no concello de Padrenda (Ourense)*, de acordo coa descrición realizada no feito cuarto.

Contra esta resolución, que pon fin a vía administrativa, poderase interpoñer recurso potestativo de reposición perante o Xurado Provincial de Clasificación de Montes Veciñais en Man Común de Ourense no prazo dun mes, ou ben directamente recurso contencioso administrativo perante o Xulgado do contencioso administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da



citada Lei 13/1989, nos artigos 123 e 124 da Lei 39/2015, de 1 de outubro, do Procedemento Administrativo Común das Administracións Públicas, e nos artigos 8 e 46 da Lei 29/1998, do 13 de xullo, reguladora da xurisdicción contencioso-administrativa

Ourense, na data da sinatura

O Presidente do Xurado Provincial de Montes
Veciñais en Man Común de Ourense
Yago Borrajo Sánchez

Documento asinado electrónicamente

Asinado por: BORRAJO SÁNCHEZ, YAGO
Cargo: Xefe territorial
Data e hora: 03/12/2020 13:52:06

CVE: zF1wUjz41
Verificación: <https://sede.xunta.gal/cve>



Xacobeo 2021







XUNTA DE GALICIA

CONSELLERÍA DO MEDIO NATURAL

Departamento de Patrimonio

SOLICITUDE DE CLASIFICACIÓN DO MVMC "AMPLIACIÓN DO MONTE CHAN DA PONTE", A FAVOR DA CMVMC DA PARROQUIA DE DETERIZ, NO CONCELLO DE PADRENDA

TERREOS INCLUIDOS NA SOLICITUDE

"MONTE CHAN DA PONTE" INCLUIDO NO MVMC "MOSQUEIRO, SOLEDAD, CHAN DA PONTE E GABIÁN" CLASIFICADO POR ACORDO DO X. P. DO 14/10/2008

PARCELAS CATASTRAIS DE PADRENDA

ESCALA 1:1000

OUTUBRO DE 2019

SISTEMA DE REFERENCIA ETRS89

COORDENADAS UTM FUSO 29

BASE CARTOGRAFICA: PNOA 2017 E CARTOGRAFÍA VECTORIAL DA "DIRECCIÓN XERAL DO CATASTRO"